

671.3449
074
15

1023

固始縣志


卷六


學

宮

圖

書圖





原书缺页

原书缺页

鄉鎮里保市集邨莊第八

卷九

疆里古蹟陵墓寺觀第九

卷十

祠廟上第十

祠廟下第十一

卷十一

衙署倉廩驛遞第十二

卷十二

典禮第十三

卷十三

賦役第十四

卷十四

歲時風土禮俗物產第十五

卷十五

大事表第十六

卷十六

五等表第十七

原书缺页

原书缺页

卷二十五

列女第二十八
賢母 貞節 貞烈 孝淑

卷二十六

列傳藝文第二十九
列女藝文附

重修固始縣志

卷六

三令武進謝聘修

學校第六

聖先師廟在縣治東元至元二年建歷代增修

學宮在縣治東唐宋以前修建姓名不可攷元至元二

年知縣王思忠建天歷三年知縣張鵬翼修明洪武十

二年知縣唐紹宗重建天順間知縣薛良重修正殿三

楹東西廡各九楹戟門三楹夾戟門兩掖便門各一楹

泮池中跨橋三孔櫺星門三楹外南為照壁東為聖域

坊西為賢關坊照壁外為雲路街左右繚以短垣正南
為雲路坊齋宿所三楹在正殿東祭器庫三楹在正殿
西名宦祠三楹在戟門左鄉賢祠三楹在戟門右俱面
向崇聖祠在聖廟東前有露台外有垣有門聖殿後為
明倫堂五楹東西二楹隔以垣藏冊籍東博文齋西約
禮齋各三楹學門三楹在聖域坊東省牲所三楹在學
門內偏東朱衣閣在櫺星門東南隅射圃在明倫堂東
北隅自薛良重建後節次補修之人與年月舊志皆失
載至

初廟之前後概皆頽損康熙二十年知縣梁欽構創議
修整明倫堂東添建文昌閣三楹閣前露台一座迤東
藏經樓五間其餘經營未就二十七年知縣楊汝楫踵
其事逐次增修規模式廓乾隆十九年知縣楊潮觀重
修移建奎閣於東南城隅聖殿暨學宮前後悉如舊制
闕里志魯哀公十六年孔子卒十七年仍舊宅立廟置
守塋廟一百戶世世相傳以歲時奉祠孔子家
通攷漢高祖十二年十一月上行自淮陽還魯以太
牢祠孔子平帝元始元年追謚孔子曰褒成宣尼公

東漢明帝永平十五年帝東巡幸孔子宅祠仲尼及七十二弟子章帝元和二年帝過魯幸闕里以太牢祠孔子及七十二弟子作六代之樂靈帝光和元年置鴻臚門學畫先聖及七十二弟子像

曹魏齊王正始七年使太常釋奠以太牢祀孔子於

雍以顏淵配

邱氏肅以為釋奠之禮始見於此

晉武帝太始三年詔太

學及魯國四時備三牲以祀孔子

劉宋文帝元嘉二十二年太子釋奠裴松之議應

樂器幣悉依上公孝武帝孝建元年詔建

仲尼廟同諸侯之禮

齊武帝永明三年有司奏釋奠先聖先師禮樂器呂應
宜元嘉故事

梁武帝天監四年詔立孔子廟置五經博士立州郡學
後魏孝文帝太和十六年詔宣尼廟別勅有司饗薦之
禮改謚孔子為文聖尼父

北齊文宣帝天寶元年定釋奠每歲春秋二仲行禮每
月朔制祭領博士以下及國子諸學生階下拜孔聖揖
顏子曰行事郡學則於坊內立孔顏廟博士以下亦

每月朝

隋煬帝大業四年定制國子寺每歲四仲月上丁釋奠
州縣學則以春秋仲月釋奠

唐高祖武德二年詔國子學立周公孔子廟各一所四
時致祭太宗貞觀二年左僕射房元齡等建議武德中
詔釋奠於太學以周公為先聖孔子配享臣以為周公
尼父俱稱聖人庠序置奠本緣夫子故晉宋梁陳及隋
大業故事皆以孔子為先聖顏回為先師歷代所行古
今通允伏請停祭周公升孔子為先聖以顏回配詔從